

Soma Usobanukirwe Buri Munsu

NO .e-1 | TARIKI 18-24 GASHYANTARE 2025 RPC | P.O.BOX 3854 KIGALI-RWANDA | TEL: +250 785 474 045 | E-mail: info@rpc.rw

Leta yasabye
ababyeyi kwigisha
abana Ikinyarwanda
bakiri bato




Ingengo y'Imari
yiyongereyeho mili-
yari 126,3Fwr igera
kuri miliyari 5 816,4



Rutsiro: Arashima
ko Girinka imaze
kumugeza kuri butike
ya 2 000 000 Frw



Rusizi: Bababazwa
na sitade iva
n'ikibuga cyayo
cyabaye intabire



NO: E-1 | TABIKI 18-24 CASHYANTARE 2025 | RPC | P.O.BOX 3854 KIGALI-RWANDA | TEL: +250 785 474 045 | E-mail: info@rpc.rw

Si me v'istessu v'ò Brandu v'abbassu ma rindinu via Baidighi volente inke so rindinu jellandu cun Africa cun 2021 ozenu va rindidu Gabon amantatu 85-75.

U Rwanda rwaguye gukina
upu mukunze rwabura gutinda
kugira ngo rukomeze ibiye y'igiye
kombe cyo muri Afrika.

Ikipe y'igihugu y'u Rwanda
yatanzeye naza umukinnyi
ibashyamba n'abakomeye
barimo Robert Williams
na Alex Mpyo barinze ibyuma
amashuri muri ibi.

Agace ka mbere karangiyi u Rwanda nyubonye umukino n'amanota 24 kuri 16 ya Gabon.

Igice cyo mbere cyurungije u Rwanda rwakomeje kuyabura umukino n'amanota 41 kuri 34 ya Gabon.

ikinyuranyo
kigera mu
manota 11
(64-53).

5

[illegible]

Perezida Kagame yatangiye Tour du Rwanda 2025

SHEMA IVAN

Perezida wa Repubilika Paul Kagame ari kumwe na Perezida wa UCI David Lappartient, batangije ku mugaragaro isiganwa ry'amagare rizenguruka igihugu 'Tour du Rwanda 2025'.

Ku Cyumweru tariki ya 23 Gashyantare 2025, ni bwo hatangiye irushanwa rya Tour du Rwanda rizenguruka igihugu ku nshuro ya 17 kuva ribaye Mpuzamahanga mu gihe ari inshuro ya karindwi kuva rigiye ku rwego rwa 2.1.

Abakinnyi 69 bo mu makipe
14, barimo 39 bo muri Afurika,
26 b'i Burayi, 3 bo muri Aziya
na Oceania n'umwe wo muri
Amerika, ni bo batangiye iri
rushanwa rizamara iminsi
umunani.

KOMEZA KU RUP.3

**Jeannette Kagame
yashimiye Fatima
Maada Bio watorewe
kuyobora OAFLAD**



URUP.2



Perezida Kagame na David Lappartien batangiza Tour du Rwanda 2025

Ikibazo cya Tshisekedi agira indimi ebyiri- Minisitiri Nduhungirehe

**NTAWITONDA JEAN
CLAUDE**

Minisitiri w'Ububanyi n'Ama-
hanga n'Ubutwererane Olivier
Jean Patrick Nduhungirehe,
yanenze Perezida wa Repubu-

lika Iharanira Demokarasi
ya Congo (RDC) Félix Antoine
Tshisekedi Tshilombo, wavuze
ko adateze kugirana ibiganiro
na M23 mu gihe abeshya amah-
anga ko yiteguye kuganira n’aba
Banyekongo baharanira uburen-

ganzira ku gihugu cyabo.

Minisitiri Nduhungirehe yavuze ko indimi ebyiri za Tshisekedi zikomeje kuba imbogamizi ku rugendo rw'amahoro, kuko

imbere y'abafatanyabikorwa be b'i Burayi avuga ko yiteguye kuganira n'thuriro rya AFC/M23 mu gushaka igisubizo kirambye ku bibazo by'umutekano muke byabaye akarande mu Burasirazuba bwa RDC, imbere y'abo ayoboye akababwira ko n'yo yapfa atakwemera kuganira na bo.

KOMEZA KU RUP.3

SOMA IMVAHO NSHYA, IGUHE AMAKURU AGEZWEHO BURI MUNSI

Jeannette Kagame yashimiye Fatima Maada Bio watorewe kuyobora OAFLAD

KAMALIZA Agnes

Madamu Jeannette Kagame yashimiye Fatima Maada Bio, umugore wa Perezida wa Sierra Leone Julius Maada Bio, watorewe kuba Perezida w’Umuryango w’Abagore b’Abakuru b’Ibihugu bya Afurika ugamije Iterambere (OAFLAD).

Mu butumwa Jeannette Kagame yanyujije ku rukuta rwe rwa ‘X’ kuri uyu wa Mbere tariki ya 17 Gashyantare 2025, yanifurije ishya n’ihirwe Visi Perezida Dr. Ana Dias Lourenço, umugore wa Perezida wa Angola João Manuel Gonçalves Lourenço, ndetse n’abagize Komite bose.

Yagize ati: “Mbifurije insinzi mu nshingano nshya. Ntegerereza-nyije amatsiko ko tuzakorera



Fatima Maada Bio watorewe kuba Perezida w’Umuryango w’Abagore b’Abakuru b’Ibihugu bya Afurika ugamije Iterambere (OAFLAD)

hamwe kugira ngo tugere ku ntego dusangiyeye n’ibyo twiye-meje”.

Ku wa Gatandatu tariki ya 15 Gashyantare 2025, ni bwo Madamu Fatima Maada Bio,

yatorewe kuyobora uwo mury-ango muri manda y’imyaka ibiri mu Nteko rusange ya 29 yabereye i Addis Ababa, muri Ethiopia, ahigitse Madamu Oluremi Tinubu,Umugore wa Perezida wa Nigeria Tinibu Ahmed Bola.

Mu butumwa bwo gushimira umugore we, Perezida Julius Maada Bio yavuze ko gutorwa kwe ari insinzi ikomeye, ashi-mangira ubwitange bwe mu guharanira uburenganzira n’iterambere ry’abagore n’aba-kobwa.

Yagize ati: “Nishimiye kuku-bona mu nshingano nshya uzamura ijwi ry’abagore n’abakobwa muri Africa. Reka tugende Fatima!”

Uretse umugabo we yanashimiwe n’abandi bagore b’abakuru b’ibihugu barimo Madamu Rachel Ruto wa Kenya n’abandi.

Umuryango wa OAFLAD wash-inzwe mu mwaka 2002, utangira witwa ‘OAFLA’, nk’umuryango

w’Abagore b’Abakuru b’ibi-hugu muri Afurika urwanya virusi itera SIDA, (OAFLA).

Nyuma waje guhindura izina witwa ‘OAFLAD’, aho ari urubuga rukomeye ku muga-bane w’Afurika ruharanira iterambere ry’abagore n’uruby-iruko,kubongerera ubushobozi, guteza imbere ubuzima bw’umubyeyi n’umwana, guku-mira impfu z’abagore bapfa babyara n’iz’abana bari muni si y’imyaka itanu.

Fatima Maada Bio akaba agiye kuwuyobora asimbuye Madamu Monica Geingos,wa Namibia wari wungirijwe na Denise Nyakéru Tshise-kedi wa Repubulika Iharanira Demokarasi ya Congo (DRC).

Perezida Kagame yatangije Tour du Rwanda 2025



Perezida Kagame na David Lappartien bishimiye gutangiza Tour du Rwanda 2025

IBIKURIKIRA URUP.1

Kuri uyu muni wa mbere, harakinywe ‘Prologue’ ireshya n’ibilometero 4,1 bitangiriye kuri BK Arena isozezwa kuri Sitade Amahoro abakinnyi basiganwa n’ibihe ku giti cyabo ibizwi nka “Individual Time Trial”.

Umubiligi Aldo Taillieu ukinira Lotto Development ni we wegukanye agace ka mbere ka Tour du Rwanda 2025, nyuma yo gukoresha iminota 3 n’amasegonda 48 ku ntera y’ibilometero 3,4 byatangiriye



Agace kabanza kari gafite intera y’ibilometero 3,4



Minisitiri Nduhungirehe asanga Perezida Tshisekedi adafite ubushake bwo gukumura ikibazo cya M23 mu biganiro

Ikibazo cya Tshisekedi agira indimi ebyiri- Minisitiri Nduhungirehe

IBIKURIKIRA URUP.1

Yabigarutseho asubiza ibyo Perezida Tshisekedi yabwiye Abasenateri n’Abadepite byaso-hotse kuri RFI, ko agihagaze ku mwanzuro wo kwanga ibiganiro na AFC/M23 ashinja kuba ari umutwe w’Abanyarwanda, mu gihe yari amaze kubwira Umuyobozi wo mu Bwami bw’u Bwongereza ko yiteguye kugi-rana ibiganiro na bo.

Nduhungirehe yagize ati: “Ikibazo cya Perezida Tshise-kedi ni uko agira indimi ebyiri. Imvugo agenera abafatanyabi-korwa be b’i Burayi, arahira ko yiteguye kugirana ibiganiro na AFC/M23 (ibi yanabisubi-yemo ejo i Kinshasa abihamiriza Umunyamabanga wa Leta y’u Bwongereza ushinzwe Ububanyi n’Amahanga), akagira n’indi mvugo agenera ibinyamakuru n’ikindi gice gisigaye cy’Isi, aho arahira imana zibaho zose ko atazigera agirana ibiganiro n’uwo mutwe w’Abanyekongo.”

Minisitiri Nduhungirehe yakomeje ashimangira ko izo ndimi ebyiri, anazigira ku kibazo cya FDLR, umutwe w’iterabwoba washinzwe n’abasize bahekuye u Rwanda muri Jenoside yakorewe Abatutsi mu 1994 n’ubu ukaba ucyisuganyiriza kugaba ibitero ku Rwanda ugakomeza umugambi wa Jenoside no guku-rahoh ubuyobozi bw’u Rwanda.

Ati: “Izo ndimi ebyiri zinakora ku kibazo cy’Abajenosideri ba FDLR, aho Perezida Tshisekedi yizeza kuwurandura mu biganiro bye n’Abakuru b’Ibihugu na Guve-rinoma b’i Burayi, mu gihe imbere mu gihugu ubufatanye bw’ingabo za Leta (FARDC) na FDLR burushaho gukomera.”

Perezida Tshisekedi anagaragaza ko FDLR yabanje kuba umutwe ufasha FARDC ariko kuri ubu ngo wahindutse abafatanyabikorwa b’imena b’izo ngabo za Congo mu mugambi wo kugaba ibitero ku Rwanda no gukuraho ubuyobozi bwarwo ashinja kuba intan-

daroh y’ibibazo bimaze imyaka n’imyaka mu gihugu cy.

Minisitiri Nduhungirehe avuga ko Ingabo za FARDC ari nka baringa mu gihe zifite ibitwaro biremereye, kuko zibeshajweho gusa n’inkunga y’abo Banyar-wanda b’Abajenosideri, imitwe yitwaje intwaro y’imbere mu gihugu nka Wazalendo n’abandi, abacanshuro b’Aban-yaburayi, ingabo z’u Burundi ndetse n’izoherejwe n’Umury-ango w’Ubukungu w’Ibihugu by’Afurika y’Amajyepfo (SAMIDRC).

Perezida Tshisekedi ucyiringiye ubwo bufatanye butuma igisiri-kare cyegikomeza kugira icyizere cyo kugaba ibitero kuri M23 no kurenga imbibi z’u Rwanda, yavuze ko yamaze kubona ingabo ziteguye guhangana kinyamwuga kabone n’iyo zaba zimaze icyumweru cyose zitagemurirwa ibyo kurya no kunywa.

Urukiko rw’Ikirenga mu Rwanda rwasabye EACJ kwigira ku Nkiko Gacaca

ZIGAMA Theoneste

Perezida w’Urukiko rw’Ikirenga mu Rwanda, Mukantaganzwa Domitilla, yasabye abacamanza b’Urukiko rw’Umuryango w’Afurika y’Iburasirazuba (EACJ) n’abo mu bihugu by’Akarere kwigira ku butabera bw’Inkiko Gacaca na gahunda y’ubutabera bwunga.

Inkiko Gacaca zagize uruhare rukomeye mu guca imanza zikabakaba miliyoni ebyiri mu gihe cy’imyaka 10, nyuma ya Jenoside yakorewe Abatutsi mu 1994 yahitanye abasaga miliyoni mu gihe cy’iminsi 100 gusa.

Ni uburyo Abanyarwanda bishatsemo ibisubizo byo gutanga ubutabera bwari kuzafata imyaka amagana mu nkiko zisanzwe, no komorana ibikomere byasizwe n’amateka yashibutse ku miyoborere mibi yaranze Igihugu.

Gahunda y’ubutabera bwunga bifitanye isano, na yo ikomeje

gufasha Abanyarwanda gukemura amakimbirane mu bwumvikane bidasabye kujya mu nkiko.

Madamu Mukantaganzwa yabigarutseho ku wa Kabiri tariki ya 18 Gashyantare 2025, ubwo yafungura Inama Ngaru-kamwaka ya 3 y’Abacamanza b’Urukiko rw’Umuryango rw’Afurika y’Iburasirazuba (EACJ).

Madamu Mukantangaza atan-giza iyo nama, yagaragaje ko Inkiko Gacaca yayoboye ku rwego rw’Igihugu, zatanze ubutabera buhana kandi bwunga.

Yagize ati: “Mu biganiro byacu by’uyu muni n’ejo, ndashaka kugaragaza igice cy’amategeko Igihugu cyanyije gishyigikiye, bwo gukemura ibibazo mu bwumvikane, (Alternative Dispute Resolution/ADR), kuko busa cyane n’imigenzo yacu gakondo yo gutanga ubut-abera.”



Perezida w’Urukiko rw’Ikirenga mu Rwanda, Mukantaganzwa Domitilla

Mukantaganzwa yagaragaje ko mu gihe cy’imyaka itari myinshi, Inkiko Gacaca zakemuye ibihumbi by’imanza hifashishijwe ubutabera bushingiye ku kunga abafitanye ibibazo ndetse kandi hatangwa ibihano ku babikwiye.

Uwo muyobozi yumvikan-ishije ko abacamanza ba EACJ bakwiye kwimika uburyo

bwo gukemura amakimbirane binyuze mu buhuza bw’abafit-anye ibibazo.

Ati: “Ndashishikariza buri wese muri twe kugira uruhare mu kwemeza ko uburyo bwo kunga n’ubundi buryo bwo gukemura amakimbirane mu bwum-vikane, bushyirwa ku isonga hagamijwe korohereza abantu kugera ku butabera.”

Mukantaganzwa yabwiye abakora mu nkiko ko bafite inshingano zikomeye zo gutanga ubutabera buboneye.

Ati: “Twese tuzi ko ubutabera ari inshingano rusange ndetse n’inkingi z’ubutabera bw’ibi-hugu byacu... Tugomba guhora twitwararika no kugira uruhare mu gutuma ubutabera bugera ku babukeneye.”

Urukiko rw’Umuryango wa Afurika y’Iburasirazuba (EACJ) rufite inshingano zihariye ziruha ububasha bwhariye bwo gukemura ibibazo by’am-ategeko haba mu buryo bw’urubanza rusanzwe no mu buryo bw’ubuhuza. Ibi bifasha cyane mu gutanga ubutabera mu by’ubucuruzi no gukemura amakimbirane.

Iyi nama izamara iminsi ibiri irimo kubera i Kigali, yahuje abasaga 250, biganjemo abaha-garariye imiryango y’Uturere tw’Afurika, Abaminisitiri bafite mu nshingano ubutabera, abacamanza n’abandi bafite inshingano mu nkiko zitandu-kanye.

Inama ya EACJ ibaye ku nshuro ya 3, iya mbere yabereye mu Burundi mu 2021, iya kabiri ibera mu Uganda mu 2022.

Leta yasabye ababyeyi kwigisha abana Ikinya-rwanda bakiri bato

KAMALIZA Agnes

Minisiteri y’Ubumwe bw’Abanyarwanda n’In-shingano Mboneragihugu (MINUBUMWE) yasabye ababyeyi kwigisha neza abana babo ururimi rw’Ikinyarwanda bakiri bato kuko ari umurage ntagereranywa ukaba n’umuco uhuza Abanyarwanda.

Ibyo byagarutsweho na Minisitiri wa Minubumwe Dr Bizimana Jean Damascene kuri uyu wa 21 Gashyantare, ubwo yari mu Karere ka Gicumbi u Rwanda rwizihiza ku nshuro ya 22 Umunsi Mpuzamahanga w’Ururimi Kavukire.

Uyu muni wizihijwe ku nsan-ganyamatsiko igira iti: “Twige tunoze Ikinyarwanda ,ururimi ruduhuza”.

Minisitiri Bizimana yaga-ragaje ko uburere bw’umwana butangira akiri mu nda, asaba ababyeyi kugira uruhare mu kubugisha ururimi rw’Ikinyar-wanda neza n’indangagaciro z’umuco Nyarwanda.

Yagize ati: “Ururimi rutangi-rira mu miryango, kugira ngo umuntu aruvuge neza bisaba

gutangirira mu muryango, agatangira ari muto. Birasaba ababyeyi ko bigisha neza abana babo Ikinyarwanda igihe bari mu ngo kandi bikajyana n’iz-indi ndangagaciro y’umuco Nyarwanda.”

Avuga ko isoko y’uburere ari mu ngo ari nayo mpamvu ari ngombwa kwita ku burere kandi buhera mu muryango umuntu aba avukamo.

Minisitiri agaragaza ko ururimi ruranga buri kicio cy’abantu kandi buri gihugu kigira ururimi rwacyo ikaba inkingi ibahuza igomba gusigasirwa mu buryo bwose.

Ati: “U Rwanda tuvuga ururimi rumwe ruduhuza, ni ngombwa kuruvuga neza, tukarusigasira kuko rutuma abantu twum-vikana kuko tubaye tuvuga indimi zitandukanye hano nta n’umwe wari kumva undi.”

Dr. Bizimana kandi yanasabye urubwiruko rukiri mu mashuri kwitandukanya n’abakeka ko ari abasirimu bava ku mashuri bica ururimi rw’Ikinyarwanda baruvanga n’indimi z’ama-hanga kuko bituma gitakaza umwimerere.

Yagize ati: “Urubwiruko hari ukuntu bakeka ko kuba umusirimu ari ugutandu-kana n’Ikinyarwanda wataha wahura na Nyogosenge uti: “uraho Aunt, how are you?” kugira ngo umwereke ko hari intera wagezemo. Urabwira how are you Nyogosenge azi ibyo ari byo? Uramubwira Aunt ibyo arabizi?”

Icyakoze yagaragaje ko kumenya izindi ndimi z’amah-anga no kuziga ari byiza ariko mbere ya byose ari ururimi gakondo.

Ati: “Nimwige neza indimi z’amahanga ariko mbere ya byose banza ururimi rw’iwanyu kuko ni rwo ruduhuza, ni rwo gakondo.”

Mu Rwanda, kwizihiza Umunsi Mpuzamahanga w’Ururimi Kavukire ni umwanya wo guha agaciro ururimi rw’Ikinyar-wanda nk’ururimi rw’Igihugu rukwiriye gusigasirwa mu ngeri zitandukanye nk’Umu-rage w’Abanyarwanda.

Ni Umunsi wemejwe n’Ishami ry’Umuryango w’Abibumbye ryita ku Burezi, Ubumenyi n’Umuco (UNESCO) mu 1999.



Ababyeyi bakanguriwe kwigisha abana Ikinyarwanda bakiri bato

AMAKURU



Perezida Kagame yakiriye Umudepite uhagarariye Tottenham akaba n’Umunyamabanga wa Leta ushinzwe Ububanyi n’Amahanga, Umuryango wa Commonwealth n’Iterambere mu Bwongereza, David Lammy

Umutekano w’u Rwanda ugomba kubahwa- Perezida Kagame

NTAWITONDA Jean Claude

Perezida wa Repubulika y’u Rwanda Paul Kagame, yavuze ko inyungu z’umutekano w’u Rwanda zigomba guhabwa agaciro kandi zikubahwa.

Perezida Kagame yabigarut-seho ku wa Gatandatu tariki ya 22 Gashyantare 2025, ubwo yakiraga Umudepite uhagarariye Tottenham akaba n’Umunyamabanga wa Leta ushinzwe Ububanyi n’Amahanga, Umuryango wa Commonwealth n’Iterambere mu Bwongereza, David Lammy.

Perezida Kagame yashimangiye agaciro k’umutekano w’u Rwanda mu gihe umutekano muke mu Burasirazuba bwa Repubuli-ka Iharanira Demokarasi ya Congo (RDC).

Abayobozi bombi bagarutse ku kuri kuri mu gihugu cy’aba-turanyi, aho Perezida Kagame yashyize umucyo ku kuba u Rwanda rwariyemeje gushy-igikira amahoro ariko inyungu zarwo z’umutekano zikana zigomba kubahwa kandi ziga-habwa agaciro.

Perezida Kagame yashimagiye kandi agaciro ko gushy-igikira urugendo nyafurika rw’amahoro rwatangijwe ku mugabane w’Afurika rugamije ku kubaka igisubizo kirambye ku ntambara zo muri Repubu-lika Iharanira Demokarasi ya Congo (RDC).

UBUKUNGU

IMVAHO NSHYA

NO: E-1

TARIKI: 18-24 GASHYANTARE 2025

5

U Rwanda rusanga inkunga y’u Bubiligi ntacyo yamara bukorana n’abarushozaho intambara

NTAWITONDA Jean Claude

Leta y’u Rwanda yatangaje ko yanze kugurana umutekano n’ubusugire bw’Igihugu inkunga z’u Bubiligi bwahi-semo gukorana na Repubulika Iharanira Demokarasi ya Congo (RDC) irushozaho intambara, mu kurusopanyiriza mu bihugu no mu miryango mpuzamah-anga.



Umuvugizi wungirije wa Guve-rinoma Alain B. Mukuralinda, yavuye imuzi impamvu Rwanda rwahisemo guhagarika ubufatanye mu by’ubukun-gungu bwaruheshaga inkunga ya miliyoni zisaga 200, ni ukuvuga miliyari zisaga 279 z’amafaranga y’u Rwanda, mu gihe cy’imyaka 10 kuva mu 2019.

Umuvugizi wungirije wa Guverinoma Alain B. Mukuralinda

rufasha M23 kugira ngo bibe amabuye y’agaciro.”

Iyo mvugo ngo ni yo RDC n’u Bubiligi biyyana ahantu hose mu gusabira u Rwanda ibihano no kurukomatanyiriza mu bihugu no mu miryango mpuzamah-anga.

Mukuralinda yavuze ko kuba u Bubiligi bwariyunze kuri urwo rugamba rwa RDC ari imyit-warire idahwitse.

Ati: “Kujya gusabira u Rwanda ibihano ku nkunga u Rwanda rukeneye, ukazana ibibazo bya Politiki Igihugu cya Congo kidafite ubushake bwo gukemura ukabyitirira u Rwanda, ugafata ibibazo bya Politiki ukabihuza n’ubufa-tanye mu iterambere cyangwa amajyambere y’abaturage b’u Rwanda. Ibyongibyo ntabwo ari ibintu u Rwanda rwari kwemera.”

Yavuze ko gufatira Igihugu ibihano nta hantu na hamwe ndetse n’imvugo yashyizweho na Guverinoma ya Congo y’uko ibiba byose muri Congo ari u Rwanda rubitera, Congo ikan-ongeraho ko ari u Rwanda

kanye bukiyunga ku gihugu cyahisemo inzira y’intambara igira ingaruka zikomeye ku Rwanda.

Ati: “Noneho habaye ibyo biganiro ku ruhande rw’Afurika, ariko nyirubwite we yafashe inzira za gisirikare, ati nyewe mfashe ingufu za gisirikare zo gukemura icyo kibazo. Niba anabishyize mu bikorwa aravuga ko umwanzi ari Guverinoma y’u Rwanda atari Abanyarwanda, ati nzabatera mfite intwaro; yaranaziguze n’ibimenyetso byaragaragaye, ati nzanatera kiriya gihugu ntakandagiye ku butaka bwacyo ndetse no kubishyira mu bikorwa bya-baye.”

Yanenze u Bubiligi bwiren-gagije ingamba zafashwe ku rwego rw’Afurika bugahitamo gukorana n’Igihugu cyahisemo intambara kikayitegura kigamije gutera u Rwanda gifa-tanyije n’umutwe w’iterabwoba wa FDLR, Ingabo z’u Burundi, ingabo za SADC, Wazalendo, abacanshuro bavuye I Burayi, n’abandi.

Ati: “Ese ibyongibyo babibaza

Guverinoma ya Congo? Noneho ukirengagiza no kureba ngo abo bantu bafatany na nde? Bafatany n’Ingabo z’u Burundi, na SADC, Wazalendo, FDLR, n’abachanshuro bavuye i Burayi mu bihugu byabo. Mwigeze mwumva se ibyon-gibyo babibaza Guverinoma ya Congo? Ahubwo uraje ugiye mu nzira na bo bahisemo kunyuramo.”

Yakomeje avuga ko u Rwanda rwasanze ari rwo rubi-homberamo kuko birugiraho ingaruka ku mutekano n’ubu-sugire.

Ikindi kandi avuga ko Rwnanda rugerwaho n’ing-aruka zo kuba rwaranze guceceka ku Banyekongo b’Abatutsi batoteweza bakan-icwa bazira uko baremwe, kandi amasezerano mpuzama-hanga rwashyizeho umukono ateganya ko uramutse ubonye aho abantu bari kuzira ubwoko bwabo, akwiye ugutabaza amahanga.

U Rwanda ntiruzagurana inkunga ubusugire bwarwo

Mukuralinda yavuze ko Abanyarwanda bahisemo kutagurana umutekano n’ubu-sugire bw’Igihugu cyabo inkunga z’amahanga, kuko ntacyo izo mfashanyo zamara mu gihe barimo guhunga.

Yagarutse ku bitero byagabwe ku Rwanda mu mpera z’ukwezi kwa Mutarama 2025, aho ingabo za Congo (FARDC) n’abam-bari bazo barashe ibisasu mu Karere ka Rubavu bigahitana abantu 16 abandi barenga 160 bagakomereka, inzu zisaga 300 zigasenyuka, amashuri n’ibindi bikorwa remzo nk’abashan-yarazi bikangirika.

Yavuze ko RDC yagabye icyo gitero ari na cyo u Bubiligi bwifatanyije na cyo, aboneraho gushimangira ko ibyo bukor-a mu Rwanda ntacyo byaba bimaze mu gihe bushyigikira gahunda zihungabanya

umutekano warwo.

Ati: “Abanyarwanda bagomba kuvuga bati dushyire ku munzani. Turahitamo umutekano n’ubusugire bw’Igi-hugu cyacu, twarabyiboneye ko unarinzwe, cyangwa se turabi-hara kugira ngo baduhe iyo mfashanyo. Ese ubundi bagu-haye izo mfashanyo hanyuma ugahara umutekano wawe, igice kimwe bakagifata baha-teye, ubundi izo mfashanyo zakumarira iki utangiye kwiru-kanka ujya mu nkambi?”

Yavuze ko iyo hatabaho ingamba z’ubwirinzi zashy-izweho n’u Rwanda, ibyangijwe n’ibyo bitero bya RDC byari kuba byinshi cyane, cyane ko Perezida wa RDC Felix Antoine Tshisekedi we yari yanirahiye ko azarasa i Kigali adakan-dagiye ku butaka bw’u Rwanda.

Yasabye abaturage b’u Rwanda kuzirikana ko bakwiye kumenya no kwirengera ingaruka z’ibyemezo bikomeye bafata.

Ati: “Ariko icy’ingenzi navuze ni kiriya cy’umutekano w’u Rwanda, ni iki twahitamo? Noneho niba hari ingaruka zibaye abantu bakazirengera bakamenya no kwizirika umukanda, abantu bakawiz-irika bashakisha n’ahandi ariko noneho bari mu mahoro... Amahitamo ni ayacu twese nk’abaturage b’u Rwanda.”

Yavuze ko abayobozi bakuru b’u Rwanda badahwema kuga-ragaza impamvu ishingirwaho n’iki cyemezo gikomeye ariko gisigasira ubusugire bw’Igi-hugu.

“[...] Umunyarwanda umub-wiye ko icyemezo gifashwe gishingiye ku mutekano n’ubusugire bw’Igihugu ukamugaragariza n’izo mpamvu zose u Rwanda rushin-giraho, rwavuze, byanavuzwe n’abandi, n’Abakuru b’Ibihugu bo mu Karere ariko bavuga, ndibaza ko amahitamo y’u Rwanda ntabwo aba agoranye.”

Guverinoma y’u Rwanda ishi-mangira ko kuba hari agace k’imikoranire kahagaritswe bitavuze ko umubano w’u Rwanda n’u Bubiligi wahagar-itswe burundu, ahubo ko ibihugu byombi bizakomeza imikoranire ku rwego rwa za Ambassade.

Gakenke: Muyongwe bakora ingendo ndende bajya gushaka serivise z’ubuvuzi bw’amamenyo

NGABOYABAHIZI Protais

Abivuriza ku kigo nderabuzima cya Muyongwe giherereye mu Murenge wa Muyongwe, Akarere ka Gakenke, bavuga ko kuba iri vuriro ritagira serivise z’ubuvuzi bw’ameny bituma bakora ingendo ndende bajya ku bitaro bya Ruli, kwivuza amenyo, bakaba bifuza kwegerezwa iyi serivisi.

Aba baturage bavuga ko kwivuza amenyo ari ibintu bibasaba igiciro kinini bajya kwivuriza akure.

Nsengimana Eric, yagize ati: “Udafite nibura ibihumbi



Abivuriza Muyongwe bakeneye kwegerezwa ubuvuzi bw’ameny

bisaga 10, ukaramuka ufashwe n’iryinyo ntiwabona ubuvuzi bw’ameny bitewe n’uko hano kuri iki kigo nderabuzima cya Muyongwe badakura amenyo cyangwa se ngo bayahome, tujya ku bitaro bya Ruli.

Mukankundiye Devote we yagize ati: “Bazane umuganga w’ameny, kuko hari benshi bakunze kugira ikibazo cy’ameny, kuba nta muganga w’ameny nakubwira ko biduteza igihombo nyamara twari dukwiye kwivuriza kuri mituweli, tekereza ko utega moto ugiye kwivuza mu baganga bigenga kuko iryinyo ritesha

umutwe, ugategesha ibihumbi 12, ujya i Musanze.”

Ubuyobozi bw’Akarere ka Gakenke bwo buvuga ko ikibazo cy’abaganga bavura amenyo bakiri bake kigishakirwa igisubizo, bakagana ibitaro bya Nemba, Gatonde na Ruli; nkuko Umuyobozi wa Gakenke Mukandayisenga Vestine abivuga.

Yagize ati: “Gahunda Igihugu gifite ni uko abaganga b’ameny bazagera ku nzego zose z’ubuvuzi, iki kibazo na MINISANTE twabiganiriyeho, ikindi ni uko abatabona itike hari inzego zibishinzwe bazegera zikabafasha kubona itike yo kujya kwivuza.”

Akarere ka Gakenke gafite ibigo nderabuzima 23 ariko ntibigira serivisi z’ubuvuzi bw’ameny, zikaba zitangirwa gusa ku bitaro bikuru bibarirwa muri aka Karere.

Gisagara: Ubworozi bw’amatungo magufi bwafashije guhangana n’imirire mibi

NYIRANEZA Judith

Abaturage bo mu Mirenge ya Gishubi na Nyanza yo mu Karere ka Gisagara bavuga ko ubworozi bw’amatungo magufi, byumwihariko inkoko bwabafashije guhashya ikibazo cy’imirire mibi yagaragaraga mu miryango yabo.

Bavuga ko mu by’ukuri byoroshye kubona amagi yo guha abana bigashya imirire mibi, babikesha korozwa n’umushinga PRISM, ushyirwa mu bikorerwa n’Ikigo gishinzwe iterambere ry’Ubuhinzi n’Ubworozi (RAB).

Nyirahabimana Jeannine yavuze ko ubworozi bwamufashije kurwanya imirire mibi.

yagize ati: “Nari mfite abana bari mu mirire mibi, ariko maze korozwa n’umushinga PRISM, noza imirire, abana bari baragwingiye mbabonera amagi yo kurya ndetse mbona amafaranga yo gushyira mu itsinda ryo kwizigama, kuri ubu abana bameze neza bavuye mu ibara



Ubworozi bw’inkoko bwabafashije kurwanya imirire mibi

ry’umuhondo kubera ko barya amagi n’imboga.”

Cyiza Narcisse utuye mu Kagari ka Nyaruteja, mu Murenge wa Nyanza mu Karere ka Gisagara avuga ko amatsinda 8 yageze aho yihuriza hamwe bakora ihuriro bagura ubworozi bw’inkoko.

Yagize ati: “Tworajwe inkoko n’umushinga PRISM, baha umuryango inkoko 10, twari

mu matsinda 8. Ubusanzwe ino Nyaruteja inkoko zihagera ziturutse i Huye. Twaratekereje nk’amatsinda twihuriza hamwe ngo dutangire korora imishwi ibashe kuboneka hano muri kano gace ka Nyaruteja ndetse zizagera no mu Tugari tw’aturanyi.”

Umuyobozi w’Akarere ka Gisagara Denise Dusabe yavuze ko ubworozi bw’amatungo magufi bufasha abaturage

kunoza imirire.

Ati: “Akamaro k’ubworozi bw’inkoko by’umwihariko bifasha kurwanya ubukene n’imirire mibi. Umuntu ahereye ku nkoko 10, zamara kukura akagurishamo zimwe akabona amafaranga aguramo ingurube, gutyo gutyo hakaba n’abaguramo Inka.”

Yakomeje agaragaza uko korozwa byagabanyije igwin-gira mu bana.

Ati: “Aho PRISM iri iradufasha cyane cyane mu miryango yahawe inkoko haboneka amagi, bigira uruhare mu guhangana n’imirire mibi. Mu myaka 5 ishize twifashishije kino cyumweru cy’umubyezi n’umwana kigenda kiba buri mwaka, hari aho tumaze kugera heza, kuko umwaka ushize ibipimo by’igwingira twari kuri 17,9% tuvuye kuri 31,6 %.”

Umuyobozi w’umushinga PRISM Joseph Nshokeiyinka asobanura ko ubworozi bufite

aho bwakuye abantu bari batishoboye, bakagera kuri byinshi.

Yagize ati: “Uhawe amatungo magufi aba amaze kwinjira muri ‘business’, yagiye mu buhinzi bw’imboga n’imbuto ngo ashobore kugermura ku isoko, ubu dufite abatangiye kugura inka bahereye kuri za nkoko icumi cyangwa se ku ngurube imwe umuntu yahawe.”

Umushinga PRISM wagizwemo uruhare na Leta y’u Rwanda ifatanyije n’ikigega Mpuzamahanga giteza imbere ubuhinzi n’ubworozi (IFAD), binyuze muri Minisiteri y’Ubuhinzi n’Ubworozi (MINAGRI).

Uyu mushinga ushyirwa mu bikorwa n’Ikigo giteza imbere Ubuhinzi n’Ubworozi mu Rwanda (RAB). Umushinga ukorera mu Turere 15, ufite intego yo gusoza ugeze ku miryango 26 355.

Imvaho Nshya

Soma Usobanukirwe Buri Munsu

Ijambo ry’Ibanze

Ukuri kuzatsinda

Intambara ihatse izindi zose ku Isi iri hagati y’icyiza n’ikibi. Mu bibazo byose biba ku Isi usanga ukuri guhanganye n’ikinyoma, ariko ikibabaje ni uko ikinyoma cyamamazwa, kigashyigikirwa na benshi, ukuri kugapfukiranwa igihe kinini.

Nyamara abahanga mu bya Politiki, imitekerereze ya muntu ndetse n’imibanire, bagaragaza ko uko byagenda kose ukuri kudashobora gupfukiranwa. George Washington wabaye Perezida wa mbere wa Leta Zunze Ubumwe z’Amerika (USA), yagize ati: “Amaherezo ukuri kuzatsindira ahari abababarizwa kugushyira ahagaragara.”

Imiyoborere yimakaje amacakubiri yagejeje u Rwanda kuri Jenocide yakorewe Abatutsi mu 1994, yatsinzwe n’abiyemeje kurenganyirizwa ukuri kugira ngo n’abandi batotezwaga bahorwa uko bavutse bongere kubaho batekanye mu gihugu abenshi bari bamaze imyaka irenga 30 barakivukijwemo uburenganzira.

Nyuma y’imyaka 30 ishize, amateka arongerera kwisubiramo mu gihugu cy’abaturanyi cya Repubulika Iharanira Demokarasi ya Congo (RDC), aho ingengabitekerezo ya Jenocide n’ubuhezanguni bushingiye ku ivanguramoko bwashinze imizi kubera abajenosideri bageze muri icyo gihugu bakarebera Abanyekongo mu ndorerwamo y’amoko yatumye u Rwanda rupfusha abasaga miliyoni mu minsi 100 gusa.

Uko imyaka yagiye ihita indi igataha, ikibi cyavuye mu baturanyi cyakongejwe mu Banyekongo batangira kurebana ay’ingwe, barahigana, ibihumbi amagana y’abo mu bwoko bw’Abatutsi bamburwa uburenganzira kuri gakondo yabo bahungira mu bihugu bitandukanye birimo n’u Rwanda.

Bamwe mu barenganywa biyemeje guharanira ukuri, bemera gutangira urugamba rwo guharanira uburenganzira bwabo nk’Abanyekongo, banga kurebera abo mu miryango yabo bicwa agashinyaguro nk’ibyabaye mu Rwanda mu myaka isaga 30 ishize.

Mu kwamamaza uruhande rw’ikibi cyabuze icyicarwo mu Rwanda, abagishyigikiye batangiye gufatanywa n’Abajenosideri bashinja u Rwanda kuvogera ubusugire bwa RDC mu gihe ikururaje ishingira ari ugukumira icyo kibi kimunga Igihugu.

Amahanga yose yahagurukiye gushyigikira ibinyoma byahimbiwe kuryamira ukuri k’uko hari abaturage bakeneye kubaho mu mahoro kuri gakondo yabo. Nk’uko amateka yagiye abigaragaza, ukuri burya ngo guca mu ziko ntigushye.

Intambara iri mu Burasirazuba bwa RDC, izasozwa n’uko n’ubundi ukuri kuzatsinda n’ubwo ikinyoma kitazashira burundu mu gihe urugamba hagati y’icyiza n’ikibi rudashobora kurangira mu Isi itarashiraho.

Sendika y’abashoferi b’amakamyo mu Rwanda itewe inkeke n’abayiyitiriye mu nzego



KAYITARE Jean Paul

Abanyamuryango ba Sendika Nyarwanda y’abashoferi batwara amakamyo Manini (ACPLRWA), bawewe inkeke n’uko bamaze imyaka ikabakaba 15 iri mu gihirahiro kuko izina rya sendika yabo ryafashwe n’abandi batazi, bakaba basa n’abatereranywe kandi ari bo Sensika yari ishingiyeho.

Icyo gihe hatowe Tuzinde Narcisse nka Perezida wa Sendika y’abashoferi batwara amakamyo manini, manda ze ebyiri zarangiye mu 2022.

Kuva 2022 kugeza uyu ubu ACPLRWA iyoborwa na Kanyagisaka Justin na we watowe n’inteko rusange.

Guhindura sitati no kuba hari abashaka ko ACPLRWA yahindurira izina biri mu byakuruye umwuka mubi, bituma hari ababyuririraho ngo iyi sendika iseswe.

Abanyamuryango bavuga ko batunguwe no kubona Murenzi ari Umunyamabanga Mukuru wa ACPLRWA, mu gihe itegeko rigenga sendika rigena Umunyamabanga.

Bafite impungenge ko Sendika ACPLRWA ishobora gusenyuka nyuma y’imyaka ikabakaba 34, igasimbuzwa indi yashinzwe n’abo batazi mu nyungu na zo badasobanukiwe.

Inyandiko Imvaho Nshya ifite igaragaza ko kuva 2006 kugeza 2011, Nishimiyanana Emmanuel ari we watowe nka Perezida wa ACPLRWA, Murenzi Théodore ahabwa akazi nk’Umunyamabanga wa Sendika.

Tariki 29 Nzeri 2011 Urwego rw’Umuvunyi rwandikiye ubuyobozi bwa Sendika rusaba ko bwatumizwa inama rusange kubera ibibazo byavugwaga mu buyobozi.

Raporo y’ubuhuza ku kibazo cya ACPLRWA, igaragaza ko umwe mu myanzuro yayo kwari uko ku itariki 02 Ukwakira 2011

hakwigwa hakanemeweza statutu rusange y’ishyirahamwe ndetse hagashyirwaho n’ubuyobozi bushya.

Nyamara abahanga mu bya Politiki, imitekerereze ya muntu ndetse n’imibanire, bagaragaza ko uko byagenda kose ukuri kudashobora gupfukiranwa. George Washington wabaye Perezida wa mbere wa Leta Zunze Ubumwe z’Amerika (USA), yagize ati: “Amaherezo ukuri kuzatsindira ahari abababarizwa kugushyira ahagaragara.”

Nyamara abahanga mu bya Politiki, imitekerereze ya muntu ndetse n’imibanire, bagaragaza ko uko byagenda kose ukuri kudashobora gupfukiranwa. George Washington wabaye Perezida wa mbere wa Leta Zunze Ubumwe z’Amerika (USA), yagize ati: “Amaherezo ukuri kuzatsindira ahari abababarizwa kugushyira ahagaragara.”

Imiyoborere yimakaje amacakubiri yagejeje u Rwanda kuri Jenocide yakorewe Abatutsi mu 1994, yatsinzwe n’abiyemeje kurenganyirizwa ukuri kugira ngo n’abandi batotezwaga bahorwa uko bavutse bongere kubaho batekanye mu gihugu abenshi bari bamaze imyaka irenga 30 barakivukijwemo uburenganzira.

Nyamara abahanga mu bya Politiki, imitekerereze ya muntu ndetse n’imibanire, bagaragaza ko uko byagenda kose ukuri kudashobora gupfukiranwa. George Washington wabaye Perezida wa mbere wa Leta Zunze Ubumwe z’Amerika (USA), yagize ati: “Amaherezo ukuri kuzatsindira ahari abababarizwa kugushyira ahagaragara.”

Nyamara abahanga mu bya Politiki, imitekerereze ya muntu ndetse n’imibanire, bagaragaza ko uko byagenda kose ukuri kudashobora gupfukiranwa. George Washington wabaye Perezida wa mbere wa Leta Zunze Ubumwe z’Amerika (USA), yagize ati: “Amaherezo ukuri kuzatsindira ahari abababarizwa kugushyira ahagaragara.”

Nyamara abahanga mu bya Politiki, imitekerereze ya muntu ndetse n’imibanire, bagaragaza ko uko byagenda kose ukuri kudashobora gupfukiranwa. George Washington wabaye Perezida wa mbere wa Leta Zunze Ubumwe z’Amerika (USA), yagize ati: “Amaherezo ukuri kuzatsindira ahari abababarizwa kugushyira ahagaragara.”

Nyamara abahanga mu bya Politiki, imitekerereze ya muntu ndetse n’imibanire, bagaragaza ko uko byagenda kose ukuri kudashobora gupfukiranwa. George Washington wabaye Perezida wa mbere wa Leta Zunze Ubumwe z’Amerika (USA), yagize ati: “Amaherezo ukuri kuzatsindira ahari abababarizwa kugushyira ahagaragara.”

Nyamara abahanga mu bya Politiki, imitekerereze ya muntu ndetse n’imibanire, bagaragaza ko uko byagenda kose ukuri kudashobora gupfukiranwa. George Washington wabaye Perezida wa mbere wa Leta Zunze Ubumwe z’Amerika (USA), yagize ati: “Amaherezo ukuri kuzatsindira ahari abababarizwa kugushyira ahagaragara.”

Nyamara abahanga mu bya Politiki, imitekerereze ya muntu ndetse n’imibanire, bagaragaza ko uko byagenda kose ukuri kudashobora gupfukiranwa. George Washington wabaye Perezida wa mbere wa Leta Zunze Ubumwe z’Amerika (USA), yagize ati: “Amaherezo ukuri kuzatsindira ahari abababarizwa kugushyira ahagaragara.”

Justin, nk’uhagarariye Sendika y’abashoferi byemewe n’amategeko.

Imvaho Nshya yabonye inyan-diko igaragaza ko ubuyobozi CESTRAR yemera ari ubwa Nishimiyanana Emmanuel nka Perezida wa ACPLRWA, Mbabazi Olivier wungirije, Murenzi Théodore, Umunyamabanga Mukuru na Ruzindana Théoneste, umubitsi batowe muri manda ya 2006-2011.

Ni mu gihe sitati rusange ya sendika igena manda y’imyaka 5 ishobora kongerwa inshuro imwe.

Muri Mutarama 2010, ACPLRWA yandikiye CESTRAR iyisaba gutumizwa inama rusange ariko ntiyasubizwa.

Kanyagisaka Justin watowe n’inteko rusange nka Perezida wa ACPLRWA tariki 15 Ukuboza 2022, yabwiye Imvaho Nshya ko basabye CESTRAR kubasura no kugaragarizwa komite nshya, ntiyabasura.

Akomeza agira ati: “Twasabye CESTRAR icyangombwa (Recommendation) tubwirwa ko twahindurira izina kuko hari indi ACPLRWA iyobowe na Nishimiyanana na Murenzi nk’Umunyamabanga Mukuru.”

Ibaruwa ya CESTRAR yo ku wa 30 Nyakanga 2024 yandi-kiye isubiza ACPLRWA, igira iti: “Turabamenyesha ko dusanzwe dufite sendika yitwa ACPLRWA mu banyamuryango ba CESTRAR, twakurikiranye ishyirwaho ry’inzezo z’ubuyobozi bwayo ndetse ikaba inatibura buri gihe ibikorwa bya CESTRAR nk’uko bisanzwe kimwe n’izindi sendika zose zigize CESTRAR.”

Africain Biraboneye, Umunyamabanga Mukuru w’Urugaga rw’Amasendika y’Abakozi mu Rwanda (CESTRAR), yabwiye Imvaho Nshya ati: “Dosiye yatangiye gukorwaho n’umunyamategeko watwandikiye tukamusubiza, k’uburyo numva nta kindi twayitanzagaho mu gihe byafashe iyo nzira.”

Sendika y’abashoferi batwara amakamyo Manini ACPLRWA, yatangiye mu 1991 itangirana abanyamuryango shingiro 144 nkuko bigaragara mu igazeti ya Leta yasohotse tariki 15 Ugushy-ingo 1992.

Ingengo y’Imari yiyongereyeho mili-yari 126,3Fwr igera kuri miliyari 5 816,4



Abadepite bemeje ingengo y’imari ivuguruye

NYIRANEZA Judith

Inteko Rusange y’Umutwe w’Abadepite yemeje itegeko rivugurura Ingengo y’Imari ya Leta ya 2024/2025, iva ku mafaranga y’u Rwanda miliyari 5.690 ikagera kuri miliyari 5.816,4 Frw hakaba haziyongeraho miliyari 126,3 Frw.

Ni kuri uyu wa Kane tariki ya 20 Gashyantare 2025, nyuma yo kugezwaho raporo ku ngendo Komisiyo y’Ingengo y’Imari n’Umutungo bya Leta yakoreye mu Turere twose n’Umujyi wa Kigali muri Mutarama uyu mwaka, isuzuma igipimo cy’ikore-shwa ry’ingengo y’imari ya Leta y’umwaka wa 2024/2025.

Kwiyongera kw’ingengo y’imari bigamije gutuma ibikorwa byari biteganyijwe bizakorwa.

Iyo raporo yagaragaje ko kugera ku ya 31 Ukuboza 2024 ingengo y’imari yari imaze gukoresha kugera kuri 43%. Muri Mutarama ubwo basuraga ikoresha ryayo ryari rigeze kuri 44,5% naho ubu muri Gashyantare 2025, basuzuma basanze igipimo cyarazamutse kigera kuri 68% .

Itegeko rihindura itegeko rigena ingengo y’Imari ya Leta ya 2024/2025, rigaragaza igabanyuka ry inkunga z’amahanga n’imisoro byari bitegnyijwe ahubwo ingu-zanyo zo zikaziyongeraho miliyari 184,3%.

Kwiyongera kw’ingengo y’imari bizatuma hari ibikorwa bizazamurirwa amafaranga, urugero nko muri gahunda ya Nkunganire Smart Phone ku ifumbire yagenewe miliyari 10 z’ama-faranga y’u Rwanda.

Bimwe mu bibazo bya-garaye harimo kuba hari amafaranga atarakoreshejwe kubera impamvu zitandu-kanye nk’imishinga yabaga yatangiye kandi itarakorewe inyigo, cyangwa se yarakozwe nabi, bikaza kugaragara ko hakenewe kongera amafa-ranga, gutinda gutanga amasoko no gutinda gushy-irwa mu bikorwa.

Nyuma yo gusesengura iyi raporo, Abadepite basabye Minisitiri w’Intebe gusaba Minisitiri zitandukanye bireba kwita ku bibazo byagaragajwemo, biyanyane n’igenamigambi ryazo no mu itegurwa ry’ingengo y’imari y’umwaka wa 2025/2026 n’iy’igihe giciriritse (MTEF 2025/2026-2027/2028).



Aha ni mu cyanya cy’inganda i Kanyinya

Kigali: I Kanyinya hagiye kubakwa icyanya cy’inganda zoroheje cya miliyari 210Frw

ZIGAMA Theoneste

Minisitiri y’Ubucuruzi n’In-ganda (MINICOM), yatangaje ko i Kigali mu Karere Nyarugenge, ahazwi nka Kanyinya, hagiye kubakwa icyanya cyahariwe inganda zoroheje, cyitezweho guteza imbere ako gace.

Ubuyobozi bw’Umujyi wa Kigali na Minisitiri y’Ubucuruzi n’In-ganda basabye abashoramari gutangira gushora imari mu icyo gice hubakwa inganda nshya.

Minisitiri w’Ubucuruzi n’In-ganda (MINICOM) Sebahizi Prudence, yatangarije itangaza-makuru ko ibikorwa by’ibanze byo guteza imbere icyo cyanya byarangiyeye, birimo guca imihanda, no kugaragaza ibibanza.

Nkuko igishushanyo mbonera cy’imiturire mu Mujyi wa Kigali kibigaragaza, ako gace gafite hegitari 73, nibura izingana na 15,43% zagenewe kubakwamo ibikorwa remezo.

Minisitiri Sebahizi yagize ati: “Umujyi wa Kigali ku bufatanye n’Ikigo cy’Igihugu Gishinzwe Ubutaka barimo kwiga ku buryo ibyangombwa by’ubu-taka byavugururwa.”

Muri icyo cyanya cy’inganda cya

Nzove, biteganyijwe ko kizashy-irwamo inganda zitangiza ibidukikije, ziganjemo izitung-anya umusaruro, w’ubuhinzi, izitunganya imigati, ububiko bw’ibikoresho by’ubwubatsi, ibijyanye n’ububajiji n’ibi-jyanye na sitatiyo za Lisansi.

Ni agace k’inganda kanag-amije gukurura ishoramari mu nganda zitunganya ibiribwa, laboratwari z’ubushakashatsi, inganda ziciriritse zikora ibikoresho bitandukanye n’ahateranyirizwa ibikoresho, serivisi zijyanye n’imodoka (aho zogerezwa, aho bazisana, ndetse n’amahugurwa y’ubu-kanishi), ndetse n’ububiko bw’ibicuruzwa bitandukanye (ibikoresho byo mu rugo, ndetse n’ibikoresho by’imashini).

Minisitiri Sebahizi yagize ati: “Nta gahunda yo kwimura abaturatione iteganyijwe. Ba nyir’ubutaka bazabuko-resha mu guteza imbere uwo mushinga cyangwa babugur-ishe abashoramari babikeneye. 15,43% by’ubutaka buzubak-waho ibikorwa remezo.”

Mu rwego rwo guteza imbere inganda, Ikigo cy’Igihugu Gishinzwe Imiturire (Rwanda Housing Authority) cyatangaje ko mu myaka 30 iri imbere, leta izashyira ahagaragara hegitari zirenga 9,000 hirya no hino mu

gihugu, zigenewe abashoramari bashaka kubaka inganda mu mijyi itandukanye.

Muri gahunda nshya, hegi-tari 233 zizagenerwa ibyanya by’inganda mu Mujyi wa Kigali, hegitari 908 zigenerwe ibyo byanya, mu Karere ka Muhanga, hegitari 1,226 mu Karere ka Rwamagana, ndetse na hegitari 1,483 mu Karere ka Bugesera.

Nibura, hegitari 605 ziza-generwa ibyanya byahariwe inganda mu Karere ka Nyaga-tare, hegitari 151 mu Karere ka Huye, hegitari 333 mu Karere ka Rubavu, hegitari 288 mu Karere ka Rusizi, hegitari 424 mu Karere ka Musanze, hegitari 238 mu Karere ka Kirehe, hegi-tari 341 mu Karere ka Karongi, ndetse na hegitari 143 mu Karere ka Nyabihu.

Inama y’Abaminisitiri yemeje Politiki yo guteza imbere Inganda mu Rwanda, igamije gufasha mu ishyirwa mu bikorwa ry’icyerecyo cya 2050 cy’u Rwanda, aho u Rwanda ruzaba ruri mu bihugu biteye imbere, birangwa no kugira iterambere ryihuta no gufasha abashoramari guhangana n’isoko mpuzamahanga.

Musanze: Agahinda k’abatakigoheka kubera inganda ziconga amakoro zibajagaraza

NGABOYABAHIZI Protais

Abaturiye uruganda rutun-ganya amapave ruyakuye mu makaro, mu Kagari ka Buramira, Umurenge wa Kimonyi, Akarere ka Musanze, babangamiwe n’uruganda rusya amabuye y’amakoro ruyakuramo amapave اساسwa mu muhanda, kubera urusaku n’umwanda rubateza.

Bivuze ko izo nganda zikwiye gukurwa mu baturage zika-jyanwa mu cyanya cyahariwe inganda, cyane ko kugeza ubu hakiri imyanya ihagije yo kubakamo inganda zitandu-kanye ahabugenewe.

Nyiramana Didacienne avuga ko bamaze imyaka igera kuri itatu bahanganye n’iki kibazo, ariko ngo nta muti urambye bahabwa uretse kubwirwa ko kizakemuka mu minsi iri imbere.

Yagize ati: “Uru ruganda rusakuza ku manywa na nijoro batangira gusya amabuye kuva sa kumi n’imwe. Ntabwo umuntu yaba agisinzuye, ku manywa abana ntibasinzira cyangwa se ngo basubire mu masomo, kubera ukuntu imashini za hano ziba zifite urusaku rukarata n’amazi akoreshwa muri uruganda yanduza umugezi wa Mutobo.”

Marcelin Ndayambaje we avuga ko ibyo abaturatione bavuga bidafite ishingiro kuko ari we umaze ukwezi akodesha urwo ruganda.

Yagize ati: “Twebwe twara-kodesheje ntabwo mu gihe cy’imyaka 3 nari natangiye kuhakorera, ikindi ni uko atari twebwe dukorera mu ngo z’abaturatione twenyine. Harac-yari ikibazo cy’inganda nk’uru rwacu zikinyanyagiye mu ngo z’abaturatione. Tubonye uburyo twajya mu cyanya cy’inganda ariko nanone tugiye kuganiriza abaturiye uruganda rwacu.”

Umuyobozi w’Akarere ka Musanze Nsengimana Clau-



Abasya amabuye mu ngo babangamira abaturatione, basabwa kujya mu cyanya cy’inganda

dien, avuga ko mu minsi ishize iki kibazo bakiganiriyeye na ba nyiringanda babamenyesha ko bakwiye kuzimura.

Yagize ati: “Iki kibazo twaki-ganiriyeho n’aba bose bafite inganda, hari bamwe bakomeje gutsimbarara kuko bitwaza ko bakorera mu masambu yabo. Dukomeje kubasaba ko bajya gukorera mu cyanya cy’in-ganda, ubu tugiye gukurikirana

wa tugabane (w’uruterane) nkajya nshyiramo kuri iyo fumbire nkabonamo ibishy-imbo.”

Akomeza agira ati: “Nyuma yo guhabwa inka uruterane nahinze natangiye kujya nkuramo nk’umufuka kuko mbere imbogamizi kwari ukubona ifumbire.”

Akomeza avuga ko inka ya mbere yabonye imaze kubara iyo ibyaye igakura 2020 yahise ayigurisha bamuha 420 000 Frw, akuramo 250 000 Frw aguramo urutoki hasigara 170,000 aranguzamo 100,000 Frw ibicuruzwa byo muri butike hasigara ayo yaguzemo umunzani no kwishyura akazu yahise atangira gukoreramo.

Ati: “Kuva ubwo naratangiye ndacuraza, mbona biremeye ubundi nkajya nkuramo amafa-ranga yo kurihira umwana, nkakuramo ibibatunga, na rwa rutoki rukajya rwera gake gake ubundi ntangira kujya mu matsinda aho nizigamaga 3 300Frw buri cyumweru yavaga mu yo nacuruzaga.”

Rutsiro: Arashima ko Girinka imaze kumugeza kuri butike ya 2 000 000 Frw



Girinka yamugejeje kuri butiki ya 2 000 000

KWIZERA Jean de Dieu

Nyirashuri Claudine wu mu Karere ka Rutsiro, Umurenge wa Mushubati, Umudugudu wa Gitega arashima ko inka yahawe muri ‘Gahunda ya

umugabo we agapfa, yaga-ragarije Imvaho Nshya ko ubuzima bwe bwahindutse akimara guhabwa inka kuko ngo yakoresheje ifumbire yabonaga, akagurisha amata akabona kujya mu kimina

Girinka’ mu mwaka wa 2017 yamufashije kugera ku iteram-bere ririmo na butike yaguze igeze kuri miliyoni 2 ndetse agasana n’inzu atuyemo.

Uyu mubyeyi wagize ibyago

Rusizi: Bababazwa na sitade iva n’ikibuga cyayo cyabaye intabire

BAHUWIYONGERA
Sylvestre

Abaturage b’Akarere ka Rusizi bavuga ko bababazwa n’uko sitade ya Rusizi isigaye iva iyo imvura iguye bamwe mu bayirimo bakabura aho bugama, n’ikibuga cyayo kikaba cyarabaye nk’intabire, imvura yagwa ukaba utagitandukanya n’ikiyaga.

Bavuga ko abenshi batakirirwa bayizaho mu bihe by’imvura, haba kureba umupira cyangwa ibindi birori, batinya ko yahabanyagirira bakabura aho bugama, kuko iyo ibaye nyinshi.

Niyorukundo Fidèle w’imyaka 23, yagize ati: “Twe abakiri bato biratubabaza cyane rwose. Ntitugira aho kugaragariza impano zacu kuko usanga ahandi sitade iba ifite ibice byinshi bikinirwaho, abakina



Iyo imvura ibaye nyinshi cyane abakinnyi bavamo

imikino ngororamubiri baka-bona aho bakorera, iy’intoki ni uko, ikibuga kikaba kiriho ibyatsi byiza.”

Niyonsaba Jean Marie Vianney na we w’imyaka 23, ati: “Nk’ubu

twari twaje kureba umukino wa nyuma w’Umurenge Kagame Cup, umupira w’ama-guru wahuje Gihundwe na Kamembe. Ni amakipe yombi y’umujyi.”

Nk’uko Imvaho Nshya yabisoba-nuriwe n’uwabaye umukinnyi wa Espoir FC kuva mu 1992, ari ingimbi, Kajigo Djuma, avuga ko sitade itakijyane n’igihe.

Ati: “Mu by’ukuri ni agahinda. Urubyiruko, abasaza, abake-curu, n’abari mu myaka yo hagati bakunda kwidagadura turababaye cyane. Ikibuga gisa nk’aho ari cyo cyonyine mu mujyi, gikinirwaho n’amakipe yose y’uyu mujyi, nta handi binyagamburira, nticyabura kuba intabire, ngo imvura nigwa kibe nk’ikiyaga nk’uko mubyibonera.”

Nsabimana Théodore w’imyaka 57, wayikiniyeho igihe kirekire akanaba umusifuzi w’amakipe menshi yahakinnye, avuga ko ubu kitakiri ikibuga.

Ati: “Iki kibuga mbere cyari

cyiza cyane n’amakipe y’ahandi nka za APR FC, Rayon sports n’andi ahagera akagishima, gifite ubwatsi bw’umwimerere bwiza. Bwaje kuvaho bateramo umucaca na wo uvamo, ubu ni imbuga iri aho gusa, iyo imvura iguye amazi yuzuramo.”

Umuyobozi w’agateganyo w’Akarere ka Rusizi, Habi-mana Alfred, na we yemera ko iyi sitade imeze nabi, ariko agatanga icyizere cy’isanwa ryayo mu bihe bya vuba.

Ati: “Iyi sitade imeze nabi twese turabibona ariko hari gahunda yo kuyivugurura mu minsi mike iri imbere ku bufatanye n’aba-fatanyabikorwa mu bya siporo. Turizeza abaturage ko bigiye kwitabwaho ku buryo abak-innyi bazajya bakinira ahameze neza, ababafana n’abayobozi bitabiriye.”

Ati: “Amatiyo yagiye acibwa n’Abashinwa bari gukora umuhanda ariko turafatanya n’Akarere turebe ko mu cyumweru gitaha abaturage baba bamaze kubona igisubizo cy’amazi.”

Umuyobozi w’Akarere ka Rutsiro Wungirije Ushinzwe Iteram-bere ry’Ubukungu Uwizeyimana Emmanuel, yavuze ko hari itsinda ryashyizweho kugira ngo rirebe uburyo aba baturage baba bahawe amazi mu gihe ibikorwa by’umuhanda bitari byarangira.

Ati: “Icyo kibazo twarakimenye ndetse ubu twamaze gushyiraho itsinda ririmo kureba uburyo abo baturage twaba tubahaye amazi mu gihe ibikorwa byo kubaka umuhanda bitari byarangira. Turimo kureba aho twaba tunyu-jije ayo matiyo kugira ngo babe babonye amazi.”

Abaturage basaba amazi ni abo mu Murenge wa Mushubati, Akagari ka Sure Umutugudu wa Kaduha, ahari kubakwa umuhanda ugeze ku gipimo cya 44% ndetse biteganywa kuba waruzuye muri Kanama uyu mwaka.

Ruhango: Ntibagikinga inzu Abajyanama b’ubuzima baje gutera umuti urwanya malariya



Abaturage ntibakihisha abaza gutera imiti irwanya malariya mu nzu

UWIZEYIMANA Aimable

Bamwe mu Bajyanama b’Ubuzima mu Karere ka Ruhango bavuga ko bashima ko abahatuye bamaze kumva neza akamaro ko gutererwa umuti wa malariya bitandukanye na mbere babonaga Umujyanama w’ubuzima aje gutera umuti bagakinga inzu zabo.

Nyiraminani Floride ni umwe mu Bajyanama b’ubuzima mu Karere ka Ruhango, avuga ko imyum-vire y’abatuye ako Karere ku kijyanye no kurwanya malariya yahindutse batagikinga inzu babonye abaje gutera umuti urwanya malariya.

Ati: “Mbere twajyaga gutera umuti wica imibu itera malariya, batubona bagahita bakikinga inzu, wahagera bakakubwira ko atariho iwabo abahatuye badahari. Gusa kuri ubu ndashima ko iyo myumvire yahindutse nyuma y’uko abayobozi bagiyе babagani-riza mu bihe bitandukanye

ko kurwanya malariya ari inshingano zabo kurusha kuba iz’abayobozi gusa.”

Undi mujyanama b’ubuzima mu Murenge wa Mwendo, avuga ko usibye kubona abaje gutera umuti bagakinga mbere no kuryama mu nzitiramibu kuri bamwe batabikozwaga.

Ati: “Wowe uravuga gukinga batubonye turi kumwe n’abaje gutera umuti wica imibu itera malariya, ibyo byari byoroshye kuko iyo wajyaga kureba niba inzitiramibu bazikoresha bakubwiraga ko bagize amahirwe babona inzu z’inkoko.

Gusa kuri ubu iyo myumvire yarahindutse kuko iyo babonye abaje gutera umuti babakira neza ndetse natwe twabateguza gutunganya inzu kugira ngo batererwe umuti bakabikorwa mbese imyumvire yarahin-dutse ku buryo n’inzitiramibu basigaye bazikoresha icyo zage-newe.”

Umuyobozi w’Akarere ka Ruhango wungirije ushinzwe Imibereho Myiza y’Abaturage,

Mukangenzi Alphonsine avuga ko imyumvire koko y’abatuye ako Karere mu kurwanya malariya yahin-dutse.

Ati: “Ni byo abatuye Akarere kacu imyumvire yara-hindutse mu kurwanya malariya, kuko nk’ubu mu myaka ya za 2019-2020, Akarere kacu kari mu Turere dutatu twa mbere twari turwaje malariya cyane, ariko kuri ubu turi mu Turere tune twa mbere tutarwaje malariya. Urumva rero ko imyumvire y’abatuye akarere kacu ka Ruhango yahindutse.”

Imibare igaragara mu gatabo ka sobanukirwa ingengo y’imari y’umwaka wa 2024/2025, igaragara ko umwaka ushize w’in-gengo y’imari wa 2023-2024, mu rwego rwo kurwanya malariya hatewe imiti yica imibu mu ngo 1 218 800 zo mu Turere twa Nyagatare, Kirehe, Ngoma, Nyanza, Gisagara, Kayonza, Kamonyi, Ruhango, Rwamagana na Bugesera.



Imiyoboro icamo imyotsi yo mu gikoni yarazibye bakaz-abiranywa n’imyotsi

Rutsiro: Abatuye Umudugudu w’Icyerekezo wa Gitega barembejwe n’imyotsi

KWIZERA Jean de Dieu

Abaturage batuye mu Mudu-gudu w’Icyerekezo wa Gitega, mu Murenge wa Mushu-bati, barasaba ko bafashwa kuvugururirwa inzu zabo by’umwihariko imiyoboro icamo imyotsi yo mu gikoni kuko ngo iyo batetse itajya ibona uko isohoka bakaba bakurizamo n’uburwayi.

Abo baturage bagaragaza ko batishoboye, ngo bagejeje iki kibazo ku buyobozi ubwa mbere bujya kubasanira ariko ngo ntibyagira icyo bitanga n’ubundi imyotsi iba myinshi.

Umuturage utuye muri uwo Mudugudu w’Icyitegererezo wa Gitega, yagize ati: “Aha tuhamaze imyaka irindwi ariko turembejwe n’imyotsi cyane kubera yuko imiyoboro y’um-wotsi, yubatse nabi. Ntabwo imyotsi uzamuka ngo uce-mo hariya hejuru ahubwo uraso-hoka ugaca mu muryango undi ukajya mu nzu imbere.”

Yakomeje agira ati: “Bari bager-ageje kujya baza kudusura bakatubwira ngo bazatuvu-gururira birangira batabikoze. Mbese ni uguhora batureraga.”

Undi yagize ati: “Hari igihe umwana agira ngo agiye kwenyegeza inkwi, agasohoka

amaso ye ameze nk’ay’umunywi w’itabi cyangwa inzoga, mbese yakanutse nanjye najyamo bikaba uko, baraje rimwe bara-bikora ntiha-gira icyo bitanga ariko nabwo hashize igihe.”

Abo baturage bahuriza ku cyo kuba binabatera umwanda kubera ko imbere y’inzu zabo zose, hagaragara umwotsi mwinshi ku buryo wagira ngo batwikiramo amakara.

Ati: “Ni umwanda, nibadufashe bavugurure iyo miyoboro, nibura umwotsi ujye ubasha gutambuka.”

Umuyobozi w’Akarere ka Rutsiro Wungirije Ushinzwe Imibereho Myiza y’Abaturage, Umuganwa Marie Chantal, yabwiye Imvaho Nshya ko kimwe n’ibindi bibazo biri muri uyu Mudugudu, Akarere kamaze gukora isuzuma ryabyo kugira ngo bivugururwe.

Yagize ati: “Mu Mudugudu w’Icyitegererezo wa Gitega hakoze isuzuma ry’ibibazo birimo bikenewe gukemurwa ndetse himwe byatangiye gukemurwa ibindi na byo twababwira ko ari vuba.”

Uwo Mudugudu uherereye mu Murenge wa Mushubati, Akagari ka Mageragere mu Karere ka Rutsiro.

ITANGAZO RY’ISOKO

ITANGAZO RY’ISOKO/ AVIS D’APPEL D’OFFRE

REPUBLIKA Y’U RWANDA

UMUJYI WA KIGALI
AKARERE KA GASABO
IBITARO BYA KIBAGABAGA
IKIGO NDERABUZIMA CYA KAGUGU
E-mail: kaguguhelthcenter@yahoo.fr

GUPIGANIRA ISOKO N° 001/CS/KAG/2024-2025

Ikigo Nderabuzima cya Kagugu kiramenyeshya ba Rwigyemezamirimo babishoboye kandi bujijwe ibyangombwa ko huri isoko ryo kugemura ibikoresho byo muri buruzi mu kigo Nderabuzima cya Kagugu muri Lot imwe mu gite cy’umwaka.

Ibitabo by’ipiganywa (DAO) murabwanga mu biro by’Umuyobozi w’Ikigo Nderabuzima cya KAGUGU guhera ku wa 17/2/2025; nyuma yo kwishyura amafaranga angana n’ibihumbi icumi (10.000frw) adashyirwa kuri konti CS KAGUGU Fonctionnement No 6775013448 y’Ikigo Nderabuzima cya Kagugu iri muri banki ya ECOBANK.

Amababwanya afunze neza nibwo ibishyirwa byose agomba kuba yageze mu biro by’Umuyobozi w’Ikigo Nderabuzima cya Kagugu bitarenze tariki ya 06/03/2025 saa tatu (09h00). Amubabwanya azafungurwa mu ruhame saa yine 10h00 kuwa 06/03/2025 mu cyumba cy’amama cy’Ikigo Nderabuzima cya Kagugu.

Bikorewe i Kagugu ku wa 3/02/2025

DOGO TRESOR

Umuyobozi w’Ikigo Nderabuzima cya Kagugu

ITANGAZO RY’ISOKO

Repubulika y’u Rwanda
Ubutegetsi bw’Ubucamanza

ITEGEKO RYA PEREZIDA RIHATIRA UMUBURANYI UDAFITE AHO ABARIZWA HAZWI KUZA KUBURANA URUBANZA RWE

Umwaka w’ibihumbi bibiri na makumyabiri na gatanu, umunsi wa 13, Ukwewe kwa Gashyantare;

Twewe MUKANTANGAZWA Domitila, Perezida w’Urukiko rw’Ikirenga, dufashijwe na RUKUNDAKUVUGA J.M.Olivier, Umwanditsi Makuru muri urwo Rukiko;

Tumaze kubona urubanza N° RC 00065/2024/SC, FENG ZHIGANG aregamo MUGIRANEZA Vincent, ruzakorerwa inama ntegururubanza ku itariki ya 14/05/2025;

Tumaze kubona ko MUGIRANEZA Vincent mwene MUKANKUBITO na HITIYISE, adafite aho abarizwa hazwi mu Rwanda cyangwa mu mahanga;

Dushingiye ku gika cya 3 cy’ingingo ya 26, ingingo ya 45 n’ya 46, no ku gika cya 2 cy’ingingo ya 49 z’itegeko n° 22/2018 ryo ku wa 29/04/2018 ryenkeye imiburanishirize y’imanza z’imbenezamubano, iz’ubucunzi, iz’umurimo n’iz’ubutegetsi, nk’uko ryavuganywe kugeza ubu;

Dutegetse ko ihamagara rya MUGIRANEZA Vincent rimankwaga ahagewe amatangazo ku Rukiko rw’Ikirenga no ku Niko Zisumbuye zose mu gite cy’amezi abiri (2).

Kopi y’iri hamagara bazayisanga mu bwanditsi bw’Urukiko rw’Ikirenga.

Iri tegeko ritangajwe mu kinyamakuru “IMVAHO NSHYA”.

Bikorewe mu biro byacu ku munsi, ukweze n’umwaka byasvuye haruguru.

Digitally signed by
SCI/Chief Justice
Date: 2025.02.13
14:43:08 +02'00'

Digitally signed by
Supreme Court/Chief
Registrar
Date: 2025.02.13
15:16:24 +02'00'

MUKANTAGANZA Domitila
Perezida w’Urukiko rw’Ikirenga

RUKUNDAKUVUGA J.M.Olivier
Umwanditsi Makuru w’Urukiko rw’Ikirenga

ITANGAZO RY’ISOKO

AGHR
ALLIANCE GENERALE DES PERSONNES HANDICAPEES PHYSIQUES AU RWANDA
TIN:100841182 RSSB: 310008430000P
Website: www.aghr.rw Email : aghrw@yahoo.fr
Tel : +250 798 113 207 / +250 788 479 385

ITANGAZO RYO GUHINDURA IZINA

Umuryango rusange w’abantu bafite ubumuga: **ASSOCIATION GENERALE DES HANDICAPEES DU RWANDA** mu mpline **“AGHR”** ni umuryango washinzwe bwa mbere mu Rwanda mu mwaka w’1979, ugamiye kuba ku ruhembe rw’imiryango yo guteza imbere no guharanira uburenganzira bw’abantu bafite ubumuga mu Rwanda, uhuriza hamwe abantu bafite ubumuga nk’ijwi rimwe mu guharanira impinduka zigamiye kuzamura imibereho myiza n’iterambere byabo binyuze mu kububakira ubushobozi bigamije kwigira no gutanga umusanzu wabo mu iterambere ry’igihugu.

Uyu muryango urifuza guhindura izina ukitwa **“ALLIANCE GENERALE DES PERSONNES HANDICAPEES PHYSIQUES AU RWANDA”** mu mpline **“AGHR”**.

Impamvu yo guhindura izina ni uko Umuryango AGHR washinzwe uhuza abantu bafite ubumuga b’ibyiciro byose. Nyuma hashinzwe indi miryango ishingiyeye ku byiciro by’ubumuga, AGHR isigaramo abanyamuryango n’abagenerwabikorwa bafite ubumuga bw’ingingo gusa. Ikindi kandi, AGHR niwo muryango w’abantu bafite ubumuga bw’ingingo mu yashinze impuzamiryango z’abantu bafite ubumuga NUDOR na UPHLS nk’uko bigarara kuri website z’izo mpuzamiryango zombi. Byitoye rero, kubera ko umuryango AGHR umaze gukura kandi ukaba ugizwe n’abantu bafite ubumuga bw’ingingo gusa, Inteko-rusange yateranywe kuwa 08 Gashyantare 2025 yemeje ko AGHR ireka kuba **“ASSOCIATION”** ikaba **“ALLIANCE”** kandi amagambo **“PERSONNES HANDICAPEES PHYSIQUES”** akagaragara mu izina ry’Umuryango kugira ngo abanyamuryango n’abagenerwabikorwa bawo barushaho kuwibonamo.

Bikorewe i Kigali, kuwa 10 /02/2025

MUJAWIMANA Seraphine

Uhagarariye Umuryango Imbere y’amategeko.

Vision: Become a lead organization in defending, protecting and promoting the rights of persons with

ITANGAZO RY’ISOKO

RDB RWANDA DEVELOPMENT BOARD

ITANGAZO RIGENYWE ABARERWEMO UMWENDA

Umwanditsi Makuru ashingiye ku cyemezo cy’urukiko RCOM 00438/2024/TCI cyo ku wa 22/11/2024 gitanga ishyamba mu gihombo rya sosiyete **“KWESE SUPPORT SERVICES RWANDA LIMITED”** iramenyeshya abantu bose yaba ibereyemo umwenda ko basabwe kwiyandikisha mu biro by’Umwanditsi Makuru babinyujye kuri: info.registrar@rdb.rw bitarenze tariki ya 28 Gashyantare 2025. Buri muntu wese ubereyemo umwenda agomba kugaragaza ibimenyetso byawo. Ku bindi bisobanuro mwahamagara kuri telefoni ishyamba 1415 cyangwa ukatwandikira kuri Email yavuzwe haruguru.

Kigali, 31/01/2025

Richard KAYIBANDA
Umwanditsi Makuru

PUBLIC NOTICE FOR CREDITORS

Pursuant to Court Decision N° RCOM 00438/2024/TCI of 22/11/2024 ordering the liquidation of “KWESE SUPPORT SERVICES RWANDA LIMITED” the Registrar General informs the general public that anyone having a claim against “KWESE SUPPORT SERVICES RWANDA LIMITED” is requested to register his/her claim with the registrar through email: info.registrar@rdb.rw no later than the 28th February 2025. Every claim must be submitted with supporting documents. For any questions, please contact us at 1415.

Kigali on 31/01/2025

Richard KAYIBANDA
Registrar General

Imvaho Nshya



Imyidagaduro

Imbere ya Perezida Kagame, John Legend yashimishije Abanyarwanda



Perezida Kagame na Madamu Jeanette Kagame mu baryohewe n’igitaramo John Legend yakoreye muri BK Arena

umuhanzi John Legend

SHEMA Ivan

Imbere ya Perezida wa Repubulika Paul Kagame, Madamu Jeannette Kagame n’abandi mu bagize umuryango we, umuhanzi John Legend yataramiye Abanyarwanda mu gitaramo cy’amateka yakoreye muri BK Arena.

Iki gitaramo cya Move Afrika cyabaye ku mugoroba wo ku wa Gatanu tariki ya 21 Gashyantare 2025, cyateguwe n’Umuryango Mpuzamahanga uvuganira abatwaga, ugamiye kurandura ubukene, Global Citizen, ku bufatanye n’Urwego rw’Igihugu rw’Iterambere (RDB).

Umuhanzi John Legend yafatanyije n’Umuryarwandakazi Bwiza ndetse na DJ Toxxyk.

Saa mbiri zuzuye ni bwo igitararamo cyatangiyeye, abitabiriye basusurutswa na DJ Toxxyk mu ndirimbo zirimo ‘Umudereva ni Paul’ yaririmbiye Perezida Kagame mu bihe byo kwiyamamaza ku mwanya w’Umukuru w’Igihugu n’izindi zigezweho zikunzwe n’urubyiruko.

Nyuma yo gususurutsa abitabiriye saa mbiri n’igice, umuhanzikazi Bwiza uri mu bagezweho yageze ku rubyiniro atangira aririmba indirimbo o ‘Ogera’ yakoranye na Bruce Melodie, yishimiye cyane na benshi bitabiriye iki gitaramo.

Uyu muhanzikazi yakomeje gususurutsa abitabiriye iki gitaramo mu ndirimbo ze zakunzwe zirimo Ahazaza, Ready na “Best Friend” yakoranye na The Ben.

Saa tatu n’igice ni bwo John Legend wari utegerejwe na benshi muri BK Arena yageze ku rubyiniro yakiranywe ibyishimo n’ababwirwa mu bihumbi baje kumwihera ijisho bwa mbere ataramira mu Rwanda.

Uyu muhanzi w’icyamamare Legend yaserutse mu myamba ya Made in Rwanda, yakozwe n’inzu y’imideli ya Moshions.

Akigera ku rubyiniro ibintu byarahindutse, abari bicaye batangira guhagarara ari na ko batangira kuririmba. Ageze iruko.

ku ndirimbo “Love Me Now” ibintu byabaye akarusho, abari muri BK Arena bose batangira kuririmba na we.

Nyuma yo kurangiza kuririmba Love Me Now, John Legend yafashe umwanya aganiriza abafana be, yavuze ko yishimiye gutaramira mu Rwanda.

Yagize ati: “Nishimiye kuba

hano. Igitaramo cya mbere ndirimbyemo mu Karere ka Afurika y’Iburasirazuba ngikoreye mu Rwanda. Turi hano kuko tubakunda kandi twumva hari ibiduhuza.”

John Legend ubwo yari ageze ku ndirimbo ye ‘Green Light’ yasohotse mu 2008, yarushijeho gushimisha abakunzi be bari buzuye muri BK Arena.

John Legend yaririmbye indirimbo ye ‘All of Me’ iri mu zatumye arushaho kumenyekana hirya no hino ku Isi. Iyi ndirimbo yasohotse mu 2013 ku rubuga rwa YouTube imaze kurebwa n’abarenga miliyari ebyiri.

ITANGAZO RY’ISOKO

TENDER NOTICE

The Nyagatare Secondary School invites eligible bidders to submit bids for the supply of

1. Foodstuffs and firewood

Tender Documents in English may be obtained from Nyagatare Secondary School office upon presentation of proof of payment of a non-refundable fee of Ten thousand Rwandan francs (10,000Rwf) to Account N° 0005807728927-09 of Nyagatare Secondary School opened in Bank of Kigali or 90-00073199-00 Opened in Umwamunzu Sacco.

Tender Documents may be obtained on any working day from Nyagatare Secondary School office from 02/02/2025. Well printed bids, properly bound and presented in four copies one of which is the original must reach the Nyagatare Secondary School office not later than 6th/3/2025 at 11:00 a.m. Late bids will be rejected and returned unopened.

Bids will be opened in the presence of bidders or their representatives who choose to attend at the Staff room, on 6th/3/2025 at 11:30am. The original tender documents are prepared on his/her bid in a language of his/her choice (English, French and Kinyarwanda).

Done at Nyagatare 30th January 2025.

MUSHATSI Claver Head teacher Nyagatare Secondary School Tel: 0788761944

Basketball: U Rwanda rwabonye itike y'igikombe cya Afurika cya 2025



U Rwanda rwaherukaga mu Gikombe cya Afurika mu 2021 ubwo cyaberaga i Kigali

Ikipe y'igihugu y'u Rwanda y'abagabo mu mukino wa Basketball yabonye itike yo gukina igikombe cya Afurika cya 2025 nyuma yo gutsinda Gabon amanota 81-71.

U Rwanda rwagiye gukina uyu mukino rusabwa gutsinda kugira ngo rubone itike y'igikombe cya Afurika.

Ikipe y'igihugu y'u Rwanda

yatangiyeye neza umukino ibifashijwemo n'abakinnyi barimo Robben Williams na Alex Mpoyo batsindaga amanota menshi.

Agace ka mbere karangiye u Rwanda ruyoboye umukino n'amanota 24 kuri 16 ya Gabon.

Mu gace ka kabiri, mu gace ka kabiri, umukino wegeranye

cyane amakipe yombi agendana mu manota, ariko karangiye Cameroun ikayoboye n'amanota 18-17.

Igice cya mbere cyarangiye u Rwanda rwakomeje kuyobora umukino n'amanota 41 kuri 34 ya Gabon.

Mu gace ka Gatatu, u Rwanda rwongeye gusubirana imbaraga, Furaha Cadeau de Dieu na Ntore barutsindira amanota menshi. Aka gace karangiye, rwongereye ikinyuranyo kigera mu manota 11 (64-53).

Mu gace ka nyuma, umukino wongeye kwegerana ariko Gabon ikagerageza kwitwara neza. icyakora ku rundi ruhanda, u Rwanda ntirwemeraga ko ikinyuranyo kivamo.

Umukino warangiye u Rwanda rutsinze Gabon amanota 81-71, rubona itike yo gukina igikombe cya Afurika ku nshuro ya karindwi.

U Rwanda rwaherukaga kwitabira iri rushanwa rutatumiwe mu 2011, mu gihe izindi nshuro zabaga ari ubutumire cyangwa rwaryakiriyeye.

Imikino y'igikombe cya Afurika yitezwe kuzabera muri Angola tariki 12 kugeza ku wa 24 Kanama 2025.